

ዮሃንስ **ጳጳሳ ሄሻንሳ ኪታ** **ጊደ ቆፋ**

ሄሻንሳ ኪታዚካ ጳጳሳዳይ፡ «ጨማ ጊደዳ ሃዋሬ ዮሃንሳፔ» ጊደሺን ሄ ኪታዚ ኢሲ ዋሳ ኬላ ካሌላዛ ጋዩዮሳ ጌቴቴዛዳሳ፤ ጋዩዮሲ ሃንኮ አማኒዛይታ ማደዳ ጊሻሰ ጳጳሲ ኢዛ ጋላቴሰ። ሃራ ባጋራ ቃሴ ዲዮትራፌሴ ጌቴቴዛዳ ኢሲ ኢታ አሳፔ ናጌታና ማላ ቆፍሴሰ፤ ጋሶይካ ኢዚ ዋሳ ኬላ ቦላ ኦቶሬቴላፌ ዴንዲዳይሳን ዳና ጊዳና ኮይዛ ጊሻሳ።

ሃ ማጻፋይ ኦይኪዳ ኩሜሳ ቆፋ

ጌሎሶ 1-4

ጋዩዮሳሰ አሜቴዳ ጋላታ 5-8

ዲዮጺርሳሰ ሸቂዳ ዋላሴ 9-10

ዲሜጺርሳሰ አሜቴዳ ቃላታ 11-12

ኩሻ ቆፋ 13-15

1 ታፔ ጨማዛፔ፡ ቱማፔ ታ ሲቂዛ ታ ሲቆ ላጌ ጋዩዮሳሰ፡

2 ታ አሻዞ! ኔ ሼምፖይ ሎኦን ዲዛ ማላ ኔ አሳቴላይ ሎኦ ዳና ማላኔ ኔ ኦሊዛዚ ወሪካ ኔሰ ጊጋ ጊዳና ማላ ታ ኔሰ ዋሳይሰ።

3 ኔኒ ቱማሰ አማኔቴዳዴ ጊደዳ ማላ ቃሴካ ኔ ሃኖይ ወሪ ቱሙ ጊደዳይሳ ኢሲ ኢሲ አማኒዛ አሳቴ ታኮ ዩዲ ኔ ጊሻሰ ዮቴን ሲያዳ ታ ዳሮ ኡፋዬታዲሰ።

4 ጋሶይካ ታ ናይቲ ሎኦኒኔ ቱማን ሲሜሬቴሺን ሲሳፌ አፂዛ ሃራ ኡፋይሲ ታሰ ዴና።

ጋዩዮሳሰ አሜቴዳ ሎኦ ማርካቴላ

5 ታ አሻዞ! ኢሰቲ ኔሰ አማላ ጊደኮካ ኔኒ ኔ አሻታሰ ኦሊዳ ሚሼ ኡባን አማኔታዳሳ።

6 ኔ ቦላ አይ ማላ ሲቆይ ዲዛኮ ኢሰቲ ኔ ጊሻሰ ዋሳ ኬላ አሳ ሲንላን ማርካቴዳ፤ ኢሰቲ ቢዛ ኦጌን ጾሰ ኡፋይሲዛ ሃኖን ኔ ኢሰታ ማዲኮ ሎኦ ኦላሳ።

7 አይሰ ጊኮ ኢሰቲ ጾሳ አማኖንታይታፔ አይኮካ ኤኮንታ ከርሰቶሳ ሱንላ ጊሻሰ ሜላ ኬዚዳ።

8 ሄሳ ጊሻስ ኑ ኢሲፌ ቱማስ ኑላና ማላ ሄይታንታ ማላታ ሞኪ ኤካናስ ቤሴስ።

9 ታኒ ዋሳ ኬላስ ሃይሳፌ ካሴ ጸፋዲስ፤ ጊዶ አቲን ካሌሊዛዴ ጊዶና ኮይዛ ዲዮጲራጾሲ ኑኒ ጊዛዝ ኤኬና።

10 ሄሳ ጊሻስ ታ ሄ ቢኮ ኢዚ ባ ኢታ ቃላን ኑ ሱንሐ ሞራናስ ኦሊዳይሳ ታ ኢንቱስ ቆንጨሳና፤ ሄሲካ ኢዛስ ጊዶንታ ኢጸን አማኒዛ አሳ ሞኪ ኤኬና፤ ሞኪ ኤካና ኮይዛይታካ ዲጌሲኔ ዋሳ ኬላፌ ኬሲ ጎዴስ።

11 ታ ኢሻዘ! ሎኦታ ሚሳታ አቲን ኢታ አሳታ ሚሳቶፓ፤ ሎኦ ኦሊዛዴይ ወሪካ ጸሳ አሳ፤ ኢታ ኦሊዛዴይ ጊዲኮ ጸሰ ቤዪቤና።

12 ዲሜጲሮሳስ አሲ ወሪ ሎኦ ማርካቱስ፤ ቱማይካ ኢዛስ ማርካታወስ፤ ኑኒካ ኢዛስ ማርካቶስ፤ ኢንቱካ ኑ ማርካይ ቱሙ ጊዲዳይሳ ኤሬታ።

ወርሴላ ሳሮካ

13 ታ ኔስ ጸፋና ቡሮ ዳሮ ዮኦይ ዴስ ሺን ዋራቃታን ጸፋናስ ኮይኬ።

14 ታ ኔና ማታ ዋዴ ቤያናስ ሂዶታ ኦላይስ፤ ሄ ዋዴ ኑ ኢሲፌ ኡቲ ሃሳያና።

15 አኔ ሳሮን ዳ፤ ኔ ላጌቲ ኔና ሳሮ ሳሮ ጌቴስ፤ ታ ላጌታ ሱንላን ሱንላን ጴይጋዳ ሳሮ ጋ።

ጌሻ ማጸፋ

Gamo: ጌሻ ማጸፋ Bible of Ethiopia, Ethiopic script

copyright © 2024 The Word for the World International

Language: Gamotso (Gamo)

Contributor: The Word for the World Northern Africa

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

d0ee6825-f93e-584e-8c8f-567d8d068e4b